

民之從

敗事是以聖人欲不欲不貴難

學不學俗衆人之所過以輔萬物之

不敢為

百廿五字

善為道者非以明民將以娛之民之難

以其多知故以智治國國之賊不以智治國

國之福知此兩者亦指式常知指式是謂玄

德玄德深遠與物反然後迺至大順

六十

下以能為百谷王者以其善下之故能

為百谷至是以聖人欲上民以其言下之欲

先民以其身後之是以處上其民不重處前

而民不害是以天下樂推而不瀆以其无爭

故天下莫能與之爭

七十

天下皆以我大不嘆夫唯大故不嘆若嘆久

其小我有三寶寶而持之一曰慈二曰儉三

曰不敢為為天下先夫慈故能勇儉故能廣

不敢為天下先故能成器長今故其慈且勇故

其儉且廣故其後且先死矣夫慈以陳則政

以守則固天將救之以慈衛之

九十

古之善為士者不武善戰不怒善勝敵不
爭善用人為下是謂不爭之德是謂用人之

力是謂配天古之極

卅一字

用兵有言吾不敢為主而為客不敢進寸而
退尺是謂行无行攘无臂執无兵仍无敵禍
莫大於侮敵侮敵則幾亡吾寶故抗兵相爭
則哀者勝

五十五字

吾言甚易知甚易行天下莫能知莫能行言
有宗事有君夫唯无知是以不吾知知我者
希則我者貴是以聖人被褐懷玉

卅七字

知不知上不知知病是以聖人不病以其病
病是以不病

卅二字

民不畏威則大威至无狹其所居无廢其所
生夫唯不廢是以不廢故聖人自知不自見
自愛不自貴故去彼取此

卅四字

勇於敢則煞勇於不敢則活此兩者或利或
害天之所惡執知其故天之道不爭而善勝
不言而善應不召而自來不言而善謀天網
恢恢疏而不失

五十七字

民常不畏死奈何以死懼之哉若使常不畏死而奇者吾誠得而然之襲敢常有司然者然夫代司然者是代大逆斷夫代大逆斷希不

傷其手

五十四字

人之飢以其上食稅之多是以飢百姓之難治以其上有爲是以難治民之輕死以其生之厚是以輕死夫唯无以生爲者是賢於

貴生

五十三字

人之生柔弱其死堅彊萬物草木生之柔其死枯槁故堅彊者死之使柔弱者生之使是以兵彊則不勝木彊則共故堅彊居下柔

弱處上

五十四字

天之道其猶張弓高者抑之下者舉之有餘者損之不足者與之天之道損有餘補不足人道則不然損不足奉有餘強能有餘以奉天下唯有道者是以聖人爲而不恃成功不處其不欲亦賢

七十四字

天下柔弱莫過於水而攻堅彊者莫之能先其无以易之故柔勝剛弱勝彊天下莫不知

莫能行是以聖人言受國之垢是謂社稷主

受國不祥是謂天下王心言若友

六十
四字

和大怨必有餘惡安可以為善是以聖人執

左契不責於人故有德曰契无德曰徹天道

無親常與善人

卅
字

小國宜民使有什伯之器而不用使民重死

而不遠從有舟輿无所乘之有甲兵无所陣

之使民復結繩而用之甘其食美其服安其

家樂其俗鄰國相望雞狗之聲相聞使民至

七十
三字

老不相往來

信言不美美言不信知者不博博者不知善

者不辯辯者不善聖人无積既以為人已愈

有既以與人已愈多天之道利而不害聖人

五十
七字

之道為而不爭

道經卅七章二千一百八十四字

德經卅四章二千八百一十五字

五千文上下二篇合八十一章四千九百九十九字

太極左仙公序係師定河上真人章句

